


鳴姑小稿

葉柏村 撰



鸣 蝉 小 稿

叶柏村 撰



作年、首数

诗之卷

1959年——1975年	三十一首	(153)
1976年	二十六首	(160)
1977年	四十二首	(165)
1978年	十六首	(176)
1979年	四十二首	(180)
1980年	五十一首	(191)
1981年	四十一首	(204)
1982年	三十五首	(215)
1983年	十六首	(223)
1984年	二十九首	(227)
1985年	四十九首	(234)
1986年	五十四首	(245)
1987年	五十一首	(258)
1988年1—8月	三十二首	(269)
〔附录〕建国前残稿钞存	三十首	(277)

7

词 之 卷

作年、首数

词之卷

1957年—1976年	十四首	(1)
1977年	九首	(6)
1978年	七首	(9)
1979年	十首	(11)
1980年	五首	(15)
1981年	二十九首	(17)
1982年	三十六首	(27)
1983年	七十五首	(39)
1984年	四十五首	(61)
1985年	七十首	(76)
1986年	五十三首	(97)
1987年	八十二首	(114)
1988年1—8月	四十七首	(136)
[附录]建国前残稿钞存	十一首	(149)

沁园春

丁酉重午，诸生索题所编屈原专刊，作此应之。时正大力贯彻“百花齐放，百家争鸣”八字方针。

佩玉珊珊，凤鸟啾啾，屈子匪遥。看蛇神牛鬼，妖氛荡涤；兰汤艾酒，朋好邀招。政美堪为，河清可俟，举国深知君义高。今而后，想舒眉吐气，激电扬飙。琼枝继佩飘摇。引百幅红旗辉碧霄。喜千花百草，争妍斗媚，八音谐畅，万窍齐号。闾阖常开，鸾凰并驾，共奏九歌而舞韶。狂吟去，有骚魂诗魄，呵护吾曹。

（以上一九五七年作）

沁园春

为纪念杜甫诞生一千二百五十周年作

万国衣冠，共仰高风，岂不伟哉！喜新松古柏，凌霄拔地；锦江春暖，韦曲花开。朱凤依人，龙楼住我，纨绔终成狗屎堆。惟今日，看挥锄运斧，健斗诗才。堪哀。壮志空怀。曾暮扣朝随腰骨摧。更疮痍休目，鼓鼙喧沸；文章憎命，茅屋崩颓。赤县长明，瘟神永送，始信九州无虎豺。骚魂慰，想重歌日月，再振风雷，

点 绛 唇

族姐远寓陇中，来书倾诉思乡之苦，作此奉慰

无据人生，沾泥逐水分行住。泰山越浦，等是神州路。
雁南飞，莫寄伤秋句。魂来去。关河无阻，同梦双溪雨^①

①双溪：浙江金华溪名。

(以上一九六二年作)

水调歌头

在开展学雷锋同时，又闻南京路上好八连之风。新人新事，层出不穷。中文系学生会所编“群声报”索稿，作此付之

正向雷锋学，又聆八连风。风流人物标格，不数楚重瞳。集此根椽片瓦，起彼高楼广厦，行见出苍穹。涓滴入溟渤，浩渺总无穷。求其穴，鸣自得，等阶蛩。积斯跬步，千里万里可追踪。呼唤五风十雨，化育千花百果，春色驻颜红。碌碌皆英杰，相勉作园工。

点 绛 唇

迎 春

羯鼓鹍弦，万方合奏催春句。冰霜十度，梅格高如许。地

北天南，千亿同心侣。红旗举。海山齐舞。花气浓于雾。

(以上一九六三年作)

菩 萨 蛮

游新安江水库并电站

重湖积翠浓于漆，如山大坝排空立。驯得万蛟龙，烟波吞吐中。
挽将天汉水，下注人间世。搬取水晶宫，长辉百道虹。

卜 算 子

咏柳絮

漫漫搅天飞，舞弄春光老。赚得痴人错认绵，只道供温饱。
半霎肆轻狂，一阵清风扫。打块成团逐臭沟，愈见骄阳好。

(以上一九六四年作)

菩 萨 蛮

丽水师范学校王老师特为我弹古筝数曲，高
情雅韵，铭镂于怀，敬赋小词以献

凉颸一线生幽谷，箇箇万个摇青玉。石漱泻淙淙，奔湍汇向东。
冰弦二十一，运指酣如织。试谱最强音，排闥动帝心。

(以上一九七四年作)

蝶恋花二首

七五年元旦感怀。时浙江师院恢复伊始

(一)

草草年光都一瞬。扯幕推窗，拍手风霜紧。竹外疏花冰雪韵，爱他隐隐香成阵。
岂惧吴盐轻点鬓。桃李纷华，早共三春尽。枳棘权杖精力奋，锋芒到老才成刃。

(二)

满引一觞聊自庆。耳亮眸明，那似桑榆景？世上好书观未罄，
生常抱愧亡难瞑。往事蹉跎心耿耿。论史衡文，舌在终思骋。
正为年增当鼓劲，晚霞起处绕姿韵。

虞美人

小圃菊开

为延春色培秋色，小圃经营急。老妻扶病整青枝，更喜儿曹遮
护补疏篱。一秋霖雨开期误，百朵迎冬举。朝朝暮暮守寒

窗，满眼骅黄黄白战风霜。

(以上一九七五年作)

渔 家 傲

五十八岁生朝

五十八龄惊过羽。人真老未心无数。但觉能餐还健步。嗤
腐，沈腰潘鬓堆陈语。管甚满头霜抑露。忘年有术耽佳句。
妻女相讥作茧苦。杯且举，朝来一阵催诗雨。

浪 淘 沙

窗外水晶葡萄熟透，喜赋

珠串坠累累。颗颗匀齐。琼浆饱绽碧琉璃。别样香酥全胜紫，甜
汁淋漓。采撷任人携。我意无违。乞留满架叶离离。昼享
清阴宵听雨，凉接秋期。

蝶 恋 花

听十二月八日中央人民电台广播，有特别令
人鼓舞者二事：一为我国又成功地发射一颗
人造地球卫星；一为长沙人民隆重集会纪念
杨开慧烈士。聆听后心情激动，爰作此阙。

削却“奇峰”清海宇①。天上星飞，地上骄杨舞。不有人间重伏虎，九霄那得辉如许。帝子眉舒湘浪鼓。凤啸龙吟，漠漠升香雾。沾溉一春新雨露，淋漓欲奏千章赋。

①“奇峰”：江青尝以“江上奇峰”自况。

(以上一九七六年作)

诉衷情

听歌《绣金匾》①

穿针引线诉衷情。万斛爱波腾。碧天绣成金匾，心事也难倾。
歌窈窕，舞娉婷，艺新生。井岗烽火，延河雪浪，照眼长明。

①《绣金匾》：陕北民歌，表达对毛主席、朱总司令、周总理无限敬爱之情。

太常引

喜雪

一天银练舞婆娑。洁白好山河。玉蕊绽疏柯。毙几匹苍蝇不多。
东君着意，催芽逗甲，大地蕴春和。瞬眼展平莎。向旭日、莺歌燕歌。

南乡子二首

忆西屏

(一)

三载寄浮沤。地僻风淳胜刷州。里许长街人面熟，相酬，不用称呼笑点头。四季两春秋^①。夜市熙熙灯影稠。沽向垆边觅浅醉，轻讴，踏月归来梦也柔。

①四季句：谓冬温夏凉，一年好象只有春秋两个季节。

(二)

古治号松阳。翠展屏山溪浅长。竹木茶烟乡货好，丰穰，墟市喧阗声沸江。逢节喜洋洋。卷饼家家酒肉香。秋柿如饧春笋嫩，寻常。别后情牵牵断肠。

贺新郎

追赋乙卯冬下乡劳动事，送徐生卒业离校
争赞徐生好。记那年、荒滩腊月，解衣运镐。一举刊平丘一座，振臂迎风呼啸。转眼顷飞身如鸟。已饭寻声猪圈角，共社员掏粪腾欢叫。比泥腿，夸同调。坚持自课深宵悄。遇艰生、掌心书字，枕边求教。时或纵谈天下事，熠熠两眸灼照。感叹我痴愚懵耄。书卷气浓识见浅，为人师似此真堪笑。别后况，勤相告。

玉 樓 春

杭州孙、王等六老见惠《玉樓春》春游词，
依韵作

苏堤自古夸春晓。金线弄晴千束裊。诗情酒兴六公豪，遥叹向隅吾一老。
蜗居亦诩风光好。重核史文求了了。举头窗外喜夭桃，鏖战馀寒争窈窕。

卜 算 子

清明日全院师生登芙蓉峰缅怀先烈

七曜更腾辉，万里恩波远。直上芙蓉仰叩天，百度忠魂唤。
杨柳已轻扬，遍地新松健。水水山山春意浓，伊共春无限。

西 江 月

起 步

得保胸怀坦荡，何妨衣食粗疏。课人自课两劬劬，最是平生乐处。
普见新苗出土，深惭老蚌无珠。仰头徐董认征途，①六十明年轻步。

①徐、董：指徐特立、董必武等革命先辈。

摸 鱼 儿

观室内群雏嬉戏

燕莺雏，嚶嚶欢叫，板床八尺驰骤。“洪湖浪打”齐声唱，^①
颇赴低昂节奏。歌未透，忽又是、喜儿冬子纷相凑。^②催人拍手。
看款款弯腰，轻轻投袂，舞态藏蒙秀。^③斑衣戏，扭捏生憎奇丑。
怎如真质天构。纵然吐语含嘲哳，愈觉丝丝入扣。君信否。
唯今日、生驹么凤家家有。新当胜旧。欣在抱黄毛，摇
头眴目，犹举小拳吼。

①“洪湖浪打”：电影《洪湖赤卫队》的主题歌。

②喜儿、冬子：分别是电影《白毛女》《闪闪的红星》中的主角。

③藏蒙：指少数民族的歌舞。

(以上一九七七年作)

鹧 鸝 天

春 节 家 宴

罗列鸡豚不算穷。旋收书卷庆年丰。老妻得酒震升脸，稚女争糖气吐虹。
儿举案，媳擎钟。登场粉墨老封翁。今宵醉倒甜乡黑，明日东窗照旧红。

如 梦 令

鸡 约

不负清阴帘箔。展卷境宽胸扩。赤帻老邻公，覩我孤吟索寞。
相约，相约。早晚赓歌行乐。

鹊 桥 仙

戊午七夕，炎威未杀，戏作

火云方敛，焦蝉犹喧，那得金风玉露？银河此夕沸波涛，浑误却一年一度。
甜瓜数瓣，清茶两盏，捶腿小孙三五。共妻白首话新婚，夜夜聚人间牛女。

小 重 山

湖北长女信来，云即将调回武汉市。不禁游
兴勃发，拟于今冬小游长沙、岳阳，即赴武
昌矣

闻女江边得定居。乃翁游兴动，喜拈须。朝朝出屋仰楸梧。殷
殷盼，黄叶坠阶无？——雪意压寒芦。先登岳麓顶，数湘亮。
君山一览更长驱。悠悠处^①，饱吃武昌鱼。

①悠悠处：用崔颢诗“白云千载空悠悠”句。

卜算子

欢庆中日和平友好条约正式生效

衣带一瀛间，两岸飞青鸟。富士长城气脉通，赤县连蓬岛。

明治著先鞭，“四化”争新貌。蕙馥樱繁锦绣天，定卜春长好。

南乡子二首

今冬衰急之感有增，作此遣怀

(一)

岁月去堂堂。气促心怦视也茫。老惫孜孜成底事？穷忙。不得观书乐未央。
篱菊饱经霜。紫缩黄萎恋晚阳。搜索好诗无半句，枯肠。一举犹能累十觞。

(二)

“四化”促人忙。酷恋芸窗仄卧床。齿豁颓枯腰脚软，何妨。
更为余年惜景光。不是等彭殇。世上原无却老方。话匣拨开音色好，昆腔。心与笙箫共抑扬。

(以上一九七八年作)

浣溪沙

己未春节

昨夜高歌满注樽。今朝浅咏散馀醺。拚将微力颂新春。
霜
齿精雕梅朵重，风梳暗理柳条匀。东君着意倍殷勤。

谒金门

老妻多病，自叹恐不久于人世矣。爰作小词，
用相宽慰

卿莫去。去日相携共赴。双凤涅槃天未许。人间花似雨。
忆着定情时语，眸里青春长驻。白首相看增媚妩。百年倾肺腑。

点绛唇

小冉为我弹琵琶“春江花月夜”半阙。意殊
不足，作此促之

半阕春江，已惊老耳清如浣。倘还弹遍，月色花光满。
意
绪悬悬，若溯桃源半。魂飞乱。绕弦难返。一夕三千转。

满庭芳

病中作

倦眼昏昏，惊魂惕惕，摇摇如驾轻舟。强支持处，病态恁苗条。
卅载未烦汤熨，嗟今日、药灶烟飘。真衰矣，难甘伏老，
煮酒读离骚。胜游今夏事，①明湖有约，翠岱相邀。更擎